



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

Ser. I. De Adventu Domini & sex circumstantiis eius.

urn:nbn:de:hbz:466:1-39254



S. P. BERNARDI
CLARÆVALLENSIS
ABBATIS PRIMI,
SERMONES PER ANNUM.

De Adventu Domini, & sex circumstantiis eius.

S E R M O P R I M U S.

Odie, Fratres, celebramus Adventus initium; cuius utique fit et ceterarum solemnitatum nomen quidem celebre satis & notum mundo, sed ratio nominis forte non ita. Infelices enim filii Adam omisis veris & salutaribus studiis, caduca potius & transitoria querunt. Quibus assimilabimus homines generationis huius: aut quibus comparabimus illos, quos videmus a terrenis & corporalibus consolationibus avelli, separariq; non posse? Profecto similes sunt his, qui submersi periclitantur in aquis: nimirum vias eos tenentes tenere, nec ulla ratione deserere quod primum occurrit manibus, quicquid sit illud, licet tale sit aliquid, quod omnino professe non possit, ut sunt radices herborum, ceteraque similia. Nam & qui ad eos forte veniant ut subveniant, nonnunquam solent apprehensos involvere secum: adeò ut iam nec sibi, nec illis auxilium ferre præveant. Sic pereunt in hoc mari magno & spatio, sic pereunt miseri, dum peritura lectantes, amittunt solida, quibus apprehensis emergere & salvare possent animas suas. Neque enim de vanitate, sed de veritate, dicitur: *Cognoscetis eam, & liberabit vos**. Vos igitur, Fratres, quibus tanquam parvulis revelat Deus, quæ abscondita sunt à sapientibus & prudentibus, circa ea quæ verè salutaria sunt, sedula cogitatione versamini, & diligenter pensate rationem adventus huius, quærentes nimirum quis sit qui veniam, unde, quòd, ad quid, quando, & quæ. Laudabilis sine dubio curiositas ista est & salubris: neque enim tam devotè Ecclesia universa præsentem celebraret Adventum, nisi lateret in eo magnū aliquod sacramentum.

Primo igitur I co cum Apostolo stupente & admirante intuemini & Sermones S. Bernardi.



VOS,

Comparabili e-
legans homi-
num terrena
adherentium.

Pereunt qui
peritura se-
ctantur.

Circumstantie
Adventus
Domini.

a Joan. 8. 4

*a. Quis seu
quantus.
b. Luc. 1. d.*

vos, quantus sit iste qui ingreditur: ipse enim est secundum Gabrielis testimoniū^b, *Altissimi Filius*, ac proinde coaltissimus ipse. Neq; enim fas est Dei Filium degenerem suspicari: sed æqualis, fateri necesse est, altitudinis, & eiusdem penitus dignitatis. Nam & filios Principum Principes, & filios Regum Reges esse quis nesciat? Verumtamen quid sibi vult quod è tribus personis, quas in summa Trinitate credimus, confitemur, & adoramus, non Pater, non Spiritus sanctus advenit, sed Filius. Minimè quidem ego id factum arbitror sine causa. Sed quis cognovit sensum Domini? aut quis consiliarius eius fuit? Neque enim sine altissimo Trinitatis consilio factum est, ut Filius adveniret. Et si consideramus exilii nostri causam: fortassis advertere possumus vel ex parte, quām congruum fuerit à Filiorum maximè liberari: Lucifer enim ille qui manè oriebatur, pro eo quod Altissimi similitudinem usurpare tentavit, & rapinam arbitratus est esse se æqualem Deo (quod utique Filii est) præcipitatus illicò corruit, quoniam zelavit pro Filio Pater, & opere dixisse videtur: *Mibi vindictam, & ego retribuam*^c. Continuò videbis Satanam tanquam fulgur cedentem de cælo.^d Quid tu igitur superbis terra & cinis? Si superbientibus Angelis Deus non pepercit: quanto magis tibi putredo & vermis? Nihil ille facit, nihil operatus est, tantum cogitavit superbiam, & in momēto, in iactu oculi, irreparabiliter præcipitatus est: quia iuxta Evangelistā, *In veritate non stetit*.^e

*c. Rom. 12. d.
d. Luc. 10. c.**

*e. Superbia de-
testabilis.
f. Joan. 8. f.*

*g. Eccl. 10.
h. b**

*i. Superbia
principem.
Angelorum
comutavit in
diabolum.*

*j. Apoc. 3. b.
k. Coloss. 2. a*

*l. Joan. 8. f.
m. Isa. 14. d.*

*n. Gen. 3. b.
o. Isa. 14. f.*

Fugite superbiam, Fratres mei, (quæso) multum fugite. Initium omnis peccati superbia^f: quæ tam velociter ipsum quoque sideribus cunctis clariis micantem æterna caligine obtenebravit Luciferum: quæ non modo Angelum, sed Angelorum primum in diabolum comutavit. Unde & protinus invidens homini quam conceperat in semetipso, in eo peperit iniquitatem; suadens ut lignum vetitum gustans fieret sicut Deus, sciens bonum & malum. Quid enim polliceris, quid promittis miser: cum filius Altissimi scientiæ clavem hebeat, imò & ipse fit *clavis David, qui claudit et nemo aperit?*^g? In eo sunt omnes thesauri sapientiæ & scientiæ absconditi^h: tune eos ut homini præstes, iniquè furaberis? Videlis quia vere iuxta Domini sententiam *mendax iste est, & pater eius*ⁱ? Nam & mendax fuit, dicens: *Similis ero Altissimo*^k: & mendacii pater, cum in hominem quoque venenatum suæ falsitatis seminarium effudit, dicens: *Eritis sicut dii*^l. Tu quoq; ô homo, si vides furem, curris cum eo? Audistis, Fratres, quid hac nocte lectum est in Isaia^m, dicente Domino: *Principes tui infideles: vel(ut alia translatio habet) inobedientes, socii furum.*

Revera enim Principes nostri Adam & Eva principia nostræ propaginis, inobedientes & loci furum; qui quod Filii Dei est, serpentis, imò diaconi per serpentem consilio subripere tentant. Nec dissimulat iniuriam

Filiū

De Adventu Domini, Serm. I.

3

Filius Pater (Pater enim diligit Filium") sed continuò & in ipsum hominem vindictam retribuit, & aggravat super nos manum tuam: omnes enim in Adam peccavimus, & in eo sententiam damnationis accepimus omnes. Quid agat Filius videns profectum zelare Patrem, & nulli penitus parere creature? Ecce, inquit, occasione mei creaturas suas Pater amittit, altitudinem meam primus Angelus affectavit, & populum qui sibi crederet, habuit: sed continuò Patris zelus graviter vindicavit in illū, percutiens eum pariter cum omnibus suis plaga incurabili, castigatione crudeli. Scientiam quoq; quæ nihilominus mea est, surripere voluit homo: & ne illi quidem misertus est, nec percussit oculus eius. Nunquid de bobus cura est Deo? Duas tantum fecerat nobiles creature rationis participes, capaces beatitudinis, Angelum videlicet, atque hominem: sed ecce propter me Angelos perdidit multos, homines universos. Ergo ut sciant quia & ego diligo Patrem; per me recipiat, quos quodammodo propter me amisisse videtur. Si propter me tempestas hæc orta est, (ait Jonas) tollite me, & mittite in mare". Jon. 1. b. Omnes invidet mihi. Ecce venio, & talē eis exhibeo memetipsum, ut quisquis gestierit imitari, fiat ei æmulatione ista in bonum. Novit tamen in affectum malitiæ & nequitia transisse Angelos desertores, nec ex ignorantia aliquia seu infirmitate peccasse, ideoque perire necesse est pœnitere nolentes. Patris enim amor, & honor regis iudicium diligit.

Propter hoc enim & ipse creavit homines ab initio, qui supplerent locū illum, & ruinas Hierusalem restaurarent. Sciebat enim nullam Angelis patere redendum viam. Nempe novit superbiā Moab, quod superbus est valde p. Angelus. & superbia eius poenitentiae remedium non admittit, ac per hoc nec veniam. At verò hominis vice nullam postea condidit creaturam innuens ex hoc ipso redimendum adhuc hominem: quippe quem supplavit aliena malitia: ideoque prodesse ei potest charitas aliena. Ita, Domine, obserero, complacet tibi ut eruas me, quoniam ego infirmus sum. Quoniam de terra mea furtim sublatus sum, & hic innocens in lacum missus sum". q. Gen. 4. c. Non penitus quidem innocens: sed quantum ad eum qui me seduxit, innocens aliquatenus. Mendacium mihi persuasum est. Domine: veniat veritas ut possit falsitas deprehendi, & cognoscam veritatem, & veritas liberabit me: si tamen deprehensæ falsitati penitus renunciavero, & cognitæ adhæsero veritati: Alioquin nō humana erit tentatio, nec humanū peccatum, sed obstinatio diabolica. Nā perseverare in malo diabolū est: & digni sunt perire cū illo, quicunque in similitudinem eius permanent in peccato.

Ecce, Fratres, audistis quis sit qui veniat: considerate iam unde veniat, & quod. Venit utique de corde Dei Patris in uterum Virginis Matris; venit à summō cœlo in inferiores partes terræ. Quid ergo? Nonne & nobis in terra

A 2

terra

4 Sancti P. Bernardi

terra est conservandum? Est, si tamen in ea perficit ille? Ubi enim besset
erit sine illo, aut ubi male esse poterit cum illo? Quid mihi est in **cœlo**,

¶ Psal. 77. d & à te quid volui super terram? Deus cordis mei, & pars mea, Deus
in **æternum**: Nam & si ambulavero in medio umbræ mortis, non timebo

¶ Psal. 22. a mala, si tamen tu tecum es? Nunc autem ut video, & ad terras, &
ad ipsum quoque descendit infernum: non tanquam vincitus, sed tan-
quam inter mortuos liber: sicut lux quæ in tenebris lucet, & tenebræ
eam non comprehendenterunt. Unde nec relinquitur anima in **inferno**, nec

¶ Actor. 10. f sanctum corpus in terra videt corruptionem. Christus enim qui descen-
dit, ipse est & qui ascendet, ut adimpleret omnia, de quo scriptum est:

¶ Psal. 18. b Qui pertransit beneficiendo & sanando omnes oppressos à diabolo. Et alibi s:
Exultavit ut gigas ad currēdā viam: à summo cœlo egressio eius, & occur-

t Col. 3. a sus eius usque ad summum eius. Merito proinde clamat Apostolus, di-
cens:

¶ Isa. 30. f Quæ sursum sunt querite, ubi Christus est in dextera Dei sedens. In-
caſſum laboraret erigere corda nostra, niſi collocatū in cœlis salutis nostræ
doceret auctorem. Sed videamus iam quæ sequuntur. Nam & si mate-
ria quidem copiosa invenitur & uberrima valde, sed angustia temporis
tantam sermonis longitudinem non admittit. Considerantibus ergo quis
veniat, magna omnino & ineffabilis maiestas innotuit. Suspicientibus
unde veniat, grandis planè patuit via, secundum eius testimonium qui
Prophetico præventus spiritu: **Ecce, inquit**, nomen Domini venit de
longinquο. Porro quò veniat intuentibus, apparuit inæstimabilis digna-
tio & penitus inexcogitabilis, quòd in carceris huius horrorem, tanta de-
scendere dignata est celsitudo.

**Ad quid re-
verit Etiā
Deo.** Jam quis dubitet magnum aliquid in causa fuisse, ut maiestas tanta
de tam longinquο, in locum tam indignum descendere dignaretur? Pla-
nè magnum aliquid quia misericordia magna, quia miseratio multa, quia
charitas copiosa. Ad quid enim venisse credendus est? Hoc namque est,
quod iuxta propositum ordinem oporteat iam perscrutari. Nec sanè la-
borandum est in hac parte, cùm manifestè adventus eius causam, & verba ipsius & opera clament. Ad quærendam qnippe ovem centesimam,
quæ erraverat, de montibus properavit, & ut confiteantur manifestius
domino misericordiae eius, & mirabilia eius filii hominum, propter nos
venit. Mira quærentis Dei dignatio, magna dignitas hominis sic quæsiti.

**Hominis fit à
D' o quæſitū
dignitas** In qua si gloriari voluerit, non erit insipiens: non quod aliquid esse vi-
deatur tanquam à ſeipſo, ſed quod tanti eum fecerit ipſe qui fecit. O-
mnes enim dīvitiae, omnis gloria mundi, & quidquid in eo concupife-
tur, minus eſt ad hanc gloriam: imo nec eſt aliquid in comparatione eius.
¶ Job. 7. d Domine, quid eſt homo quia magnificas eū, aut quid apponis erga eum cor tuū?

Attamen

De Adventu Domini. Sermo I.

*Cur non potius
homo ad Deum
quam Deus ad
hominem ven-
rit.*

Attamen velim nosse quid sibi voluerit quod ad nos venit ille, aut quare non magis ivimus nos ad illum? Nostra enim erat necessitas, sed nec est consuetudo divitum ut ad pauperes veniant, nec si praestare volunt. Ita est, Fratres, nos magis ad eum venire dignum fuit, sed duplex erat impedimentum. Nam & caligabant oculi nostri; ille vero lucem habitat inaccessibilem^a, & iacentes paralytici in grabato divinam illam non poteramus attingere celsitudinem: propterea benignissimus Salvator & Medicus animarum descendit ab Altitudine sua, & claritatem suam infirmis oculis temperavit. Induit se laterna quadam, illo utique gloriofo & ab omni labe purissimo corpore quod suscepit. Hæc est enim illa levissima planè & præfulgida nubes, supra quam ascensurum eum Propheta *X* prædixerat, ut descenderet in Egyptum.

y1. Tim. 6.4

Tempus est iam ipsum quoque considerare tempus, quo Salvator advenit. Venit enim (quod & vos credimus non latere) non in initio nec in medio temporis, sed in fine. Nec incongrue factum est, sed vere sapienter disposuit sapientia, ut cum magis esset necessarium, tunc primò ferret auxilium, pronus ad ingratitudinem Adæ filios non ignorans. Vere enim adesperabat, & inclinata erat iam dies, recesserat paulo minus sol iustitiae: ita ut exiguis nimis splendor eius aut calor esset in terris. Nam & lux divinae notitiae parva admodum erat: & abundante iniquitate servorum refrigeraret charitatis. Iam non apparebat Angelus, non loquebatur Propheta, cessabant velut desperatione vesti, præ nimia utique durtia hominum & obstinatione: at ego (ait Filius) tunc dixi, ecce venio^a. Sic sic dum medium silentium tenerent omnia, & nox in suo cursu iter perageret, omnipotens sermo tuus, Domine, a regalibus sedibus venit^b. Quod Apostolus innuens aiebat^c: *Quando venit plenitudo temporis, misit Deus Filium suum*. Nimurum plenitudo & abundantia temporalium, oblivionem & inopiam fecerat æternorum. Opportunè ergo tum advenit æternitas, quando magis temporalitas prævalebat. Nam ut cætera sileam, ipsa quoque pax temporalis illo in tempore tanta fuit, ut ad hominis unus edictum describeretur universus orbis^d.

a Psal. 39. b

b Sap. 12. c

c Gal. 4. a

d Luc. 2.

Habetis iam & personam venientis, & locum utrumque, id est, à quo, & ad quem venit: causam quoque & tempus non ignoratis. Unum restat, via scilicet per quam venit, & hæc quoque diligenter requirienda: ut possimus sicut dignum est ei occurtere. Veruntamen sicut ad operandam salutem in medio terræ venit semel in carne visibilis: ita quotidie ad salvandas animas singulorum in spiritu venit & invisibilis, sicut scriptum est^e: *Spiritus antefaciem nostram Christus Dominus*. Et ut non veris occultum esse spiritualem hunc adventum; *In umbra eius*, inquit, Ibid.^f

e Thren. 4.

f Ibid.

vivimus inter gentes. Propterea dignum est ut si non valet infirmus in occursum tanti Medici procedere longius, saltem conetur erigere caput, & aliquatenus assurgere venienti. Non te oportet, ô homo, maria transfretare, non penetrare nubes, non transalpinare necesse est. Non grandis, inquam, tibi ostenditur via, usque ad temetipsum occurre Deo tuo: prope est enim verbum in ore tuo, & in corde tuo^b. Usque ad cordis compunctionem & oris confessionem occurre, ut saltem exeras de sterquilinio miseræ conscientiae: quoniam indignum est illuc auctorem puritatis intrare. Et hæc quidem de eo adventu dicta sunt, quo singulorum mentes invisibili dignatur illustrare præsentia.

Libet autem & manifesti adventus viam considerare. Quoniam viæ

f Prov. 3. c eius viæ pulchræ; & omnes semitæ eius pacificæ^f. Ecce, inquit sponsa^g,

g Cant. 2. d venit is saliens in montibus, transiliens colles. Venientem vides, ô pulchra,

h Ibid. sed cubantem videre antè non poteras. Dixisti enim^b: Indica mihi

Via adventus quem diligit anima mea, ubi pascas, ubi cubes. Cubans pascit Angelos, in il-

Dominici in las perpetuas æternitates, quos satiat visione æternitatis & immutabilita-

carnem. tis suæ. Sed ne ignores te, ô pulchra: quoniam mirabilis facta est visio il-

i Matt. 1. a la ex te, confortata est, & non poteris ad eam. Veruntamen ecce egressus

k Eze. 11. c est de loco sancto suo: & qui cubans pascit Angelos, ipse cœpit, sicutque

fanabit nos: & videbitur veniens & pastus, qui cubans & pascens antè vi-

deri non poterat: Ecce venit hic saliens in montibus, transiliens colles.

Montes & colles Patriarchas & Prophetas accipe, & quemadmodum ve-

i Matt. 1. a nerit saliens & transiliens, in libro generationis legeⁱ, Abraham genuit

Isaac, Isaac genuit Jacob, &c. Ex his montibus prodiit (ut invenies) radix

Eze. 11. c Iesse, unde iuxta Prophetam^k egressa est virga, & exinde flos ascendit,

super quem requievit spiritus septiformis. Quòd manifestius alio in loco

l Esa. 7. c aperiens idem Prophetæ, Ecce, inquit^l, Virgo concipiet & pariet filium,

& vocabitur nomen eius Emmanuel, quod interpretatur, Nobiscum Deus.

Quem enim prius florem, ipsum deinde Emanuel: & quam dixerat

virgam, manifestius exprimens, virginem nominavit. Sed necesse est al-

tissimi huius sacramenti considerationem diei alteri reservari. Digna est

enim proprio sermone materia, præsertim quòd in longum iam hodier-

nus sermo processerit.

In Adventu Domini, de verbis Esiae ad Achaz.

S E R M O I I.

Pete tibi signum à Domino Deo tuo in profundum inferni, sive in excelsum su-

** Esa. 7. b* pra. Et dicit Achaz. Non petam & non tentabo Dominum. Et dixit:

Audite ergo domus David. Nunquid parum vobis est, molestos esse ho-

minibus,